



০১ নেপালে 'গৌতম বুদ্ধ' পুরস্কার পেল 'সাঁতাও'

নেপাল আন্তর্জাতিক চলচ্চিত্র উৎসবে খন্দকার সুমন পরিচালিত 'সাঁতাও' ছবিটি আন্তর্জাতিক প্রতিযোগিতা বিভাগে সেরা চলচ্চিত্রের পুরস্কার 'গৌতম বুদ্ধ অ্যাওয়ার্ড' পেয়েছে। গত ১৬ থেকে ২০ মার্চ নেপালে অনুষ্ঠিত হলো নেপাল আন্তর্জাতিক চলচ্চিত্র উৎসব। সেখানে ৩৫টি দেশের ৯৫টি ছবি দেখানো হয়। উৎসবের ওয়ার্ল্ড প্যানোরমা ইন্টারন্যাশনাল ফিচার বিভাগে দেখানো হয়েছে বাংলাদেশের দুটি পূর্ণদৈর্ঘ্য চলচ্চিত্র। চলচ্চিত্র দুটি হচ্ছে খন্দকার সুমনের 'সাঁতাও' এবং নূর ইমরান মিঠুর 'পাতালঘর'।

০২ শিল্পকলা একাডেমির পরিচালক জ্যোতিকা জ্যোতি

বাংলাদেশ শিল্পকলা একাডেমির পরিচালক হিসেবে নিয়োগ পেলেন অভিনেত্রী জ্যোতিকা জ্যোতি। টেলিভিশন নাটকে অভিনয় করে তারকাখ্যাতি পেয়েছেন জ্যোতিকা জ্যোতি। ময়মনসিংহের মেয়ে জ্যোতি অভিনয়ের পাশাপাশি ক্ষমতাসীন আওয়ামী লীগের রাজনীতির সঙ্গেও জড়িত। তিনি দলটির বন ও পরিবেশ বিষয়ক উপ কমিটির সদস্য।

০৩ জটিল রোগে আক্রান্ত অমিতাভ বচ্চন

অভিনেতা অমিতাভ বচ্চনকে নিয়ে ফের মিললো এক বড় দুঃসংবাদ। কিছুদিন আগেই 'প্রজেক্ট কে' ছবির শুটিং করতে গিয়ে অ্যাকশন দৃশ্যে পাঁজরে আঘাত পেয়েছিলেন অভিনেতা। ৮০ বছর বয়সে স্টান্ট দেখাতে গিয়ে তার পাঁজরের পেশি ছিঁড়ে যায়। তড়িঘড়ি তাকে মুম্বাইতে ফিরিয়ে আনা হয়। সেই থেকে তিনি বাড়িতেই চিকিৎসাধীন রয়েছেন। এখন আবার অমিতাভের শরীরে গোধের ওপর বিষফোঁড়া হয়ে দেখা দিয়েছে ফোঁস্কা। অভিনেতার পায়ের পাতার নিচে কেলাসের ভিতর ফোঁস্কা পড়েছে। যার ফলে অসহ্য শারীরিক যন্ত্রণায় ভুগতে হচ্ছে তাকে।

০৪ মোস্তফা সরয়ার ফারুকীর নতুন ওয়েব সিরিজ

নতুন একটি প্রজেক্টে হাত দিয়েছেন ফারুকী। যেটি তার দর্শকনন্দিত ধারাবাহিক নাটক '৪২০'র বাঁচে নির্মিত হবে। এর ইঙ্গিত অবশ্য অনেক দিন আগেই দিয়েছেন। '৪২০'র পর হিউমার ঘরানার কোনও সিরিজ করেননি তিনি। তিনি এমন একটা সিরিজ নির্মাণ করছেন, যেটাতে '৪২০'র মতো দুষ্টিমি থাকবে। ১৭ মার্চ মধ্যরাত্রে নিজের সোশ্যাল হ্যাণ্ডেলে ফারুকী একটি ওয়েব সিরিজের ঘোষণা দিলেন। যেটার নাম 'সলিড গোল্ড'। তিনি লেখেন, 'সলিড গোল্ড' নামে একটা ওয়েব সিরিজ করতে চাই।

০৫ তাপসের কথা ও সুরে নচিকেতার গান

বাংলা গানের কিংবদন্তি নচিকেতা চক্রবর্তী, যিনি পৃথিবীজুড়ে বাংলা ভাষাভাষী মানুষের মন কেড়ে নিয়েছেন অনেক আগেই। সেই নচিকেতা এলেন বাংলাদেশে গাইতে। তবে এবার অন্য রকম গানে-আয়োজনে। তাপসের কথা, সুর ও সংগীতায়োজনে নতুন গানে কণ্ঠ দিলেন তিনি। ইতিমধ্যে গানের রেকর্ডিং অনুষ্ঠিত হয়ে গেছে। গানটিতে ব্যবহৃত হয়েছে নচিকেতার একটি কবিতাও।

০৬ সুস্থ হয়ে কাজে ফিরলেন সুস্মিতা সেন

কিছুদিন আগেই হার্ট অ্যাটাক হয়েছিলেন অভিনেত্রী সুস্মিতা সেনের। অবস্থা এতটাই খারাপ হয় যে, সঙ্গে সঙ্গে অ্যাজিওপ্লাস্টিও করা হয়। এখন তিনি অনেকটাই সুস্থ। কাজেও ফিরেছেন তিনি। তার হিট ওয়েব সিরিজ 'আরিয়া'র নতুন সিজনের শুটিং-এ ব্যস্ত বর্তমানে। পাশাপাশি একইসঙ্গে 'তালি' ছবির শুটিংও চালিয়ে যাচ্ছেন এই বঙ্গতনয়া। কিছুদিন আগে হলুদ লেহেঙ্গায় র‍্যাম্পে হাঁটতে দেখা গেছিল সুস্মিতাকে। সেখানেও বরাবরের মতোই তাক লাগিয়েছিলেন অভিনেত্রী।



৭

০৭ অস্কার মঞ্চে দীপিকা

এবারের অস্কার মঞ্চে সঞ্চালনার দায়িত্বে ছিলেন বলিউডের জনপ্রিয় অভিনেত্রী দীপিকা পাডুকোন। সেখানে কালো রঙের পোশাকে অভিনেত্রীর নজরকাড়া লুক মুগ্ধ করেছে দর্শকদের। জমকালো আয়োজনে যুক্তরাষ্ট্রের লস অ্যাঞ্জেলেসের হলিউডের ডলবি থিয়েটারে বসেছিল অস্কারের ৯৫তম আসর। অস্কারের মঞ্চে দীপিকা উঠেছিলেন নির্মাতা রাজামোলির সিনেমা ‘আরআরআর’-এর ‘নাটু নাটু’ গানের সঙ্গে সবাইকে পরিচয় করিয়ে দিতে। হাসি মুখে ‘নাটু নাটু’ গানের অগাধ প্রশংসা করেন তিনি। ২০২৩ সালের অস্কার বিতরণকারীদের নামের তালিকায় একমাত্র ভারতীয় হিসেবে ছিলেন দীপিকা।

০৮ প্রথমবার এক ফ্রেমে জয়া-স্বস্তিকা

দুই বাংলার জনপ্রিয় মুখ জয়া আহসান ও স্বস্তিকা মুখার্জি। তাদের দীর্ঘ ক্যারিয়ারে তারা দুই বাংলাতেই ভীষণ জনপ্রিয় অভিনেত্রী। অনেকেই আবার এই দু’জনকে একে অন্যের প্রতিদ্বন্দ্বী মনে করেন। বছরের পর বছর একই ইন্ডাস্ট্রিতে কাজ করলেও তাদের কখনও সরাসরি দেখা হয়নি। একসঙ্গে কাজ তো দুরের কথা! তবে এবার তারা প্রথমবারের মতো জুটি বেঁধে সামনে এলেন। যদিও কোনো সিনেমায় জুটি বাঁধেননি তারা। কলকাতার একটি ম্যাগাজিনের ফটোশুটে ফ্রেমবন্দি হয়েছেন জয়া-স্বস্তিকা। ‘দ্য নিউ ইন্ডিয়ান এক্সপ্রেস’ পত্রিকার ম্যাগাজিন ‘ইনডালজ’র সৌজন্যেই এক হয়েছেন তারা।

০৯ ১৮ বছর পর সিনেমায় ফিরছেন শিল্পা শেঠি

দীর্ঘ ১৮ বছরের বিরতি। ফের কন্নড় সিনেমায় ফিরছেন বলিউড অভিনেত্রী শিল্পা শেঠি। প্রেমের ছবি ‘কেডি- দ্য ডেভিল’-এ দেখা যাবে তাকে। নায়ক হিসেবে থাকছেন ধ্রুব সারজা। ‘বাজিগর’ অভিনেত্রী ইনস্টাগ্রামে তার চরিত্রের একটি পোস্টার পোস্ট করেছেন। সেখানে তিনি লিখেছেন, ‘একটা নতুন শুরু। কেডির যুদ্ধক্ষেত্রে ঢুকছে একটি নতুন চরিত্র। এই তথ্য আপনাদের সঙ্গে ভাগাভাগির তর সইছে না।’ হ্যাশট্যাগ দিয়ে লিখেছেন সত্যবতী। বলে রাখা ভালো, এই ছবিতে শিল্পাকে দেখা যাবে সত্যবতী চরিত্রে।

১০ দুটি অস্কার জেতা প্রথম কৃষ্ণাঙ্গ নারী

রুথ কার্টার প্রথম কৃষ্ণাঙ্গ নারী, যিনি দুটি অস্কার জিতেছেন। সেরা কস্টিউম ডিজাইন বিভাগে তিনি ‘ব্ল্যাক প্যানথার: ওয়াকাভা ফরএভার’ ছবির জন্য পুরস্কার জিতেছেন। এর আগে ২০১৯ সালে তিনি প্রথম অস্কার জিতেছিলেন। দুবার অস্কার পেয়ে তিনি কৃষ্ণাঙ্গদের কাজের প্রতি শ্রদ্ধা জানিয়েছেন।

১১ সাত নির্মাতার ‘ফিল্ম সিভিকিট’-এর যাত্রা

সাত নির্মাতার গড়া প্রযোজনা প্রতিষ্ঠান ‘ফিল্ম সিভিকিট’-এর যাত্রা শুরু হলো। ২০২০ সালে কোভিডের সময়ে প্রতিষ্ঠানটি যাত্রা শুরু করলেও সম্প্রতি তাদের আনুষ্ঠানিক যাত্রার সূচনা হলো। ইতিমধ্যে ‘তাকদীর’, ‘উনলৌকিক’, ‘কারাগার’ এবং ‘কাইজার’-এর মতো আলোচিত ও দর্শক সমাদৃত ওয়েব সিরিজ নির্মাণ করে আলোচিত প্রতিষ্ঠানটি। প্রযোজনা প্রতিষ্ঠান ‘ফিল্ম সিভিকিট’ ৭টি নতুন ওয়েব সিরিজ এবং ৫টি পূর্ণদৈর্ঘ্য চলচ্চিত্রসহ মোট ১২টি নতুন কনটেন্ট নির্মাণের ঘোষণা দিয়েছে।



৮



৯



১০



১১



১২ হিন্দি ওয়েব সিরিজে প্রসেনজিৎ

প্রথমবার হিন্দি ওয়েব সিরিজে অভিনয় করলেন প্রসেনজিৎ চট্টোপাধ্যায়। বিক্রমাদিত্য মোটওয়ানে ও সৌমিক সেনের 'জুবিলি' ওয়েব সিরিজে দেখা যাবে তাকে। সিরিজে বেশ স্টাইলিশ মেজাজে রয়েছেন অভিনেতা। চোখে দামি চশমা ও পরনে সুট দেখা গিয়েছে। পাঁচের দশকের গ্ল্যামার ওয়ার্ল্ড তুলে ধরা হয়েছে প্রত্যেকটি এপিসোডে। এপ্রিল মাসে ওটিটি প্ল্যাটফর্ম 'অ্যামাজন প্রাইম ভিডিও'তে দেখা যাবে 'জুবিলি' ওয়েব সিরিজটি।

১৩ কানাডা-বাংলাদেশ ট্রেড এক্সপোর শুভেচ্ছা দূত নিপুণ

এক সময়ের আলোচিত অভিনেত্রী নিপুণ আক্তারকে এখন মাঝেমাঝেই নানা অনুষ্ঠানে দেখা যায়। চলচ্চিত্র শিল্পী সমিতির সাধারণ সম্পাদক হওয়ার পর বেশ কিছু প্রতিষ্ঠানের সঙ্গে যুক্ত হয়েছেন তিনি। এবার কানাডা-বাংলাদেশ চেম্বার অব কমার্স অ্যান্ড ইন্ডাস্ট্রি (সিবিসিসিআই) শুভেচ্ছা দূত হিসেবে যুক্ত হয়েছেন এই অভিনেত্রী। কানাডা-বাংলাদেশ ট্রেড এক্সপো ২০২৩-এর শুভেচ্ছা দূত হিসেবে নিজের দায়িত্ব পালন করবেন তিনি।

১৪ তেলুগু সিনেমা পেল প্রথম অস্কার

রাজমৌলির 'আরআরআর'-এর জয়রথ কেউ থামাতে পারেনি। গোল্ডেন গ্লোব ও হলিউড ক্রিটিকস অ্যাসোসিয়েশন অ্যাওয়ার্ডের পর অস্কারের সেরা মৌলিক গানের পুরস্কার নিজেদের করে নিয়েছে দক্ষিণ ভারতীয় সিনেমা 'আরআরআর'-এর আলোচিত গান 'নাটু নাটু'। রাজমৌলির হাত ধরে ভারতে এল দ্বিতীয় অস্কার। আরআরআর এসএস রাজমৌলি পরিচালিত ঐতিহাসিক তেলুগু অ্যাকশন চলচ্চিত্র। চলচ্চিত্রটিতে অভিনয় করেছেন রামচরণ তেজ, আলিয়া ভট্ট, এনটি রামা রাও জুনিয়র এবং অজয় দেবগন।

১৫ কোক স্টুডিও বাংলায় এবার মেঘদল

কোক স্টুডিও বাংলা দ্বিতীয় মৌসুমের যাত্রা শুরু হয় চট্টগ্রাম, সিলেট ও খুলনার স্থানীয় ভাষায় গাওয়া গান 'মুড়ির টিন'-এর মাধ্যমে। ৩ মার্চ এবারের মৌসুমের দ্বিতীয় গান 'বনবিবি' নিয়ে হাজির তারা। গানটির কথা লিখেছেন শিবু কুমার শীল ও মেজবাবুর রহমান সুমন, সুর বেঁধেছেন শিবু কুমার শীল। মেঘদলের সংগীতায়োজনে গানটি গেয়েছেন শিবু কুমার শীল ও জহুরা বাউল, সঙ্গে রয়েছে গানের দল 'ঘাসফড়িং'। এই প্রথমবারের মতো কোনো বাংলাদেশি রক ব্যান্ড কোক স্টুডিও বাংলার গানে অংশগ্রহণ করল।

১৬ ভারতের রেডিও মিরচিতে মিথিলা

ব্যস্ত অভিনেত্রী রাফিয়াত রশিদ মিথিলা দুই বাংলায়ই সমানভাবে জনপ্রিয় ও পরিচিত। এবার অভিনয় নয় বরং নিজের কণ্ঠ দিয়ে নতুন যাত্রা করলেন এ অভিনেত্রী। ভারতের জনপ্রিয় রেডিও স্টেশন রেডিও মিরচি। আর এখানকার জনপ্রিয় অনুষ্ঠান 'সানডে সাসপেন্স'। ২০০৯ সাল থেকে শ্রোতাদের মন কেড়েছে এ জনপ্রিয় অনুষ্ঠানটি। এবার এ প্ল্যাটফর্মে নিজের ছাপ রাখলেন বাংলাদেশের মিথিলা। অসাধারণ ও রোমাঞ্চকর এ গল্পে রোকসানা চরিত্রে কণ্ঠ দিয়েছেন মিথিলা।

১৭ 'পরিণীতা'-খ্যাত নির্মাতা প্রদীপ সরকার আর নেই

নতুন শতকে বলিউডে যে কয়েকজন বাঙালি নির্মাতা স্থান করে নিয়েছেন, তাদের অন্যতম প্রদীপ সরকার। একাধিক জনপ্রিয় চলচ্চিত্রের এই পরিচালক আর নেই। ২৩ মার্চ শেষ নিঃশ্বাস ত্যাগ করেন তিনি। তার বয়স হয়েছিল ৬৭ বছর। অনেক দিন ধরেই শারীরিক সমস্যায় ভুগছিলেন পরিচালক। নব্বইয়ের দশকে রাজকুমার হিরানির সঙ্গে সিনেমায় কাজ শুরু করেন তিনি। বিখ্যাত 'মুন্নাভাই এমবিবিএস'-এর সহ-সম্পাদক ছিলেন তিনি।

